

- Hec equidem totam decet observatio prosam
 Conveniens primis, mediis quoque, sed tamen imis
 25 Est adhibenda magis, quia fortius ultima quivis
 Ex vi naturę potis est animo retinere.
 Utque magis pateat per quid bona clausula fiat,
 Edidicisse pedes absurdum non erit omnes.
 Nec te perpaucos satis est agnoscere, per quos
 30 Versus decurrit, sed et hi, quos prosa requirit,
 Sunt ediscendi, sunt cordetenus retinendi,
 Sicut doctorum testantur scripta virorum.
 Ex huiuscemodi scriptis perpauca notavi,
 Necnon collegi, dominoque favente redegī
 35 Corpus in hoc modicum quidquid fuit utile visum.
 Ōdalricus ego, de quo sic lector habeto:
 Bavenbergensis divinę me pietatis
 Quamvis indignum fieri dignatio membrum
 Ecclesię voluit; dictum de me satis hoc sit.
 40 Hec quicumque legis, si quis tamen hec quoque, si quis
 Dignatus fuerit, tibi vita, salus, tibi pax sit;
 Gaudia longa tibi concedat gratia Christi,
 Gaudia presentis vitę, pariterque perennis.
 Nunc e converso faveas quoque tu mihi queso,
 45 Optans devote, placatum semper habere
 Ut merear Iesum, cui laus est omne per evum.

fol. 3.

Versus Ōdalrici Babenbergensis ad Gotescalem
 dei servum.

- Hec, Godescalce, tibi, nostro carissime cordi,
 Immo pars animę, rerum dulcissime, nostrę,
 Dimidiumque fere, vigili collecta labore
 Offerimus, nugis rogo non offendere nostris,
 5 Iudicis officio sed fungere, discutiendo,
 Sintne legi dignę; tibi nos permittimus omne
 Iudicium, de te pendebit, frater amate,
 Mors et vita libri: si vis hunc ignibus uri,
 Ignibus ardebit, si vis remanere, manebit.
 10 Si radi iubeas, non stabit littera, nec fas,
 Care mihi frater, sit, ut hoc defendere coner,

V. 35. vgl. Udalrich an Gebhard (Jaffé, Bibl. V, 17) v. 15: 'corpus-
 que redegit in unum'. V. 2. Hor. Carm. I, 3, 8: 'animae dimidium
 meae'. V. 3. vgl. Udalrich an Gebhard (Jaffé, Bibl. V, 17) v. 15. 16:
 'Qui collegit eum . . . | . . . vigilique labore'. V. 4. Hor. Ars poet.
 v. 450. 451: 'Cur ego amicum | Offendam in nugis'? V. 5. ibid. 314:
 'iudicis officium'. V. 8. Hor. Carm. III, 7, 11: 'ignibus uri'.